

Inuussutissarsiummik Ingerlataqartunik Nalunaarsuiffik pillugu Inatsisartut inatsisaata allanngortinneqarnera pillugu Inatsisartut inatsisaat nr. 9, 29. november 2004-meersoq (Inuussutissarsiummik Ingerlataqartunik Nalunaarsuiffiup Naatsorsueqqissaartarfimmit Naalakkersuisut allattoqarfiannut nuunneqarnera) Atuussimasoq (Historisk)

§ 1.

Inuussutissarsiummik Ingerlataqartunik Nalunaarsuiffik pillugu Inatsisartut inatsisaat nr. 10, 29. oktober 1999-imeersumi imatut allanngortitsisoqassaaq:

1. § 1-imi, oqaaseqatigiit aappaat ima oqaasertalerneqassaaq: "Inatsisartut inatsisaanni aalajangersakkat malillugit Naalakkersuisut Inuussutissarsiummik Ingerlataqartunik Nalunaarsuiffimmik ingerlatsisuussapput."

2. § 5, imm. 2, ima oqaasertalerneqassaaq:

" Imm. 2. Naalakkersuisut imm. 1-imi normunik taaneqartunik tunniussisassapput."

3. § 7, imm. 1-imi oqaaseqatigiit aappaat imatut oqaasertalerneqassapput:

"Aqutsisoqatigiinnut ilaasortaassapput Naatsorsueqqissaartarfiup sinniisaa ataaseq, naalakkersuisoqarfiup nalunaarsuiffimmik allaffissornikkut ingerlatsisuusup sinniisaa ataaseq, ilaasortaqaq ataaseq Naalakkersuisut toqqagaat aamma ilaasortaqaq ataaseq Inuussutissarsiornermut Siunnersuisoqatigiit inassuteqarneratigut toqqarneqartoq."

4. § 9-mi, "Naatsorsueqqissaartarfik" imaalillugu allanngortinneqassaaq "Naalakkersuisut".

5. § 10, imm. 1-imi, "Naatsorsueqqissaartarfik" imaalillugu allanngortinneqassaaq "Naalakkersuisut".

6. § 11-mi, "Naatsorsueqqissaartarfik" imaalillugu allanngortinneqassaaq "Naalakkersuisut".

§ 2.

Inatsisartut inatsisaat ulloq 1. januar 2005-imi atuutilissaaq.

Namminersornerullutik Oqartussat, ulloq 29. november 2004

/

Johan Lund Olsen